

Reglugjörð

110
22. okt.

fyrir forðagæslumenn í Austur-Barðastrandarsýslu.

1. gr.

Hver forðagæslumaður skal koma tvisvar á vetri til eftirlits á hvert heimili, sem honum hefir verið falið til umsjónar. Í fyrra skiftið í byrjun nóvembermánaðar, og í síðara skiftið á tímabilinu frá 20. mars til 20. apríl. Þar að auki skal hann kynna sjer vandlega að vorinu fyrningar og skepnuhöld (þar með talinn lambadauða). Upplýsinga um ástand búpenings, hirðingu og heyfyrningar skal forðagæslumaður afla sjer hjá bændum, en þar sem honum þykir þær tortryggilegar, skal hann fara aukaferð.

Í hverri ferð skal hann athuga vandlega peningsfjölda hvers búanda og meðferð á skepnum.

Hann skal ávalt rannsaka heybirgðir, kornvörubirgðir og aðrar fódur. birgðir á hverju heimili, svo og húsakynni fyrir búpening.

Þar að auki skal forðagæslumaður, svo oft sem þörf krefur, gera sjer aukaferðir á heimili, sem lenda í þröng.

2. gr.

Forðagæslumenn skulu á eftirlitsferðum sínum, sjerstaklega að haustinu, mæla heybirgðir manna í teningsmetrum, og áætla eftir föngum fódurgildi þeirra og skýra mönnum frá, hversu margar skepnur þeir telji óhætt að setja á fódur. birgðir manna. Verði forðagæslumaður var við að leiðbeiningum hans hafi ekki verið hlýtt einhverstaðar, ber honum að hafa sjerstakar gætur á hjá þeim manni.

3. gr.

Í hverjum hreppi skulu forðagæslumenn vera umsjónarmenn forðabúra, ef nokkur eru, svo og kornvörubirgða í verslunum, ef hreppsnefnd hefir trygt sjer aðgang að þeim.

4. gr.

Forðagæslumenn skulu færa allar skoðunargerðir sínar í þartil gerða bók.

Eftir hverja skoðun skulu forðagæslumenn tilkynna hreppsnefnd brjeflega hvernig ástatt er í hreppnum, og láta fylgja tillögur sínar um nauðsynlegar ráðstafanir.

Ef þörf gerist á aukaskoðunum, skulu þeir jafnan láta hreppsnefnd vita, hvers þeir verða visari og hvernar hjálpar sje þörf, ef illa er ástatt.

110

22. okt.

5. gr.

Það er skylda forðagæslumanna að gefa hverjum búanda holl ráð og bendingar um heyásetning og skepnuhirðingu.

Á hverju vori skulu þeir veita hverjum búanda vitnisburð í skoðunarbók sinni um útlit búpenings og skepnuhirðingu. Skulu þeir því næst senda sýslumanni upp úr fardögum aðalskýrslu um það fardagaár, sem þá er á enda, og skal sýslumaður leggja skýrslurnar fyrir næsta sýslufund til athugunar.

Á næstu vorhreppaskilum eða öðrum almennum sveitarfundi, skal forðagæslumaður lesa upp úr forðagæslubók hreppsins alt það, sem í hana hefir verið skráð frá síðustu hausthreppaskilum.

6. gr.

Fyrir starf sitt skulu forðagæslumenn fá borgun eftir samkomulagi við hreppsnefnd, alt að 2 kr. um daginn, hvern þann dag, sem þeir eru í skoðunarferð, og greiðist hún úr sveitarsjóði.

Reglugjörð þessi er hjermeð sett, samkvæmt lögum um forðagæslu frá 10. nóvember 1913, og birt til eftirbreytni öllum þeim, sem hlut eiga að máli.

I stjórnarráði Íslands, 22. október 1914.

Í fjarveru ráðherra.

Kl. Jónsson.

Jón Hermannsson.